

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Wachtmeyster.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

will an Profande abbrechen vnd ordnung machen/darab nimpt erst das volck irs vnwillens vrsach.

Es wer gut vnd besonder in besatzung der Stett/das man in annemung vnd bestellung des Kriegsvolcks/fürk äme/dz man zur zeit der belägerung die Profande vmb ein zimlichs gelt geben dörrft/so möcht man dannzumal dem Kriegsvolck sollichen mangel erstatten/mitt erhöhung der besoldung/alsdann so möcht man Ordnung machen/mitt außtheylung der Profand/in jede Rott nach gelegenheyt/vnd alle Profand in einer zimlichen tay vmb bar gelt außtheylen/in dem des Herren nutz auch bedacht vnd gehandelt werden möcht. Zu dem/vnd zum aller fürnemlichsten/käme dem Kriegsherrn das gelt wider zu seinen handen/damit er das Kriegsvolck dester lengger erhalten möcht/welchs sunst zum offtermal/so die bezalung außgeht/vnlüstig vnd nicht handfest wird.

In Summa/man kan nicht alle ding/so besonder in Kriegsfleuffen zubeedencken seind/schreiben/vnd in Kopff fassen/dann sich in Kriegsfleuffen viel vnd gemeynlich sachen zutragen/daran man nie gedacht/oder sich derselbigen nie versehen het/Es ist aber gut/dz zu jedem beuelch leut erkieft vnd verordnet werden/die geschickt vnd tänglich seind/alles so einem beuelch zu steet zubeedencken/zuersehen vnd außzurichten/vnd nicht die ämpter (als leyder mitt grossen nachtheyl/nicht allein dem Kriegsherrn/sonder auch des gemeynen Kriegsvolcks bissher viel geschehen) vngesärd/vnd nach gunst verlihen vnd besetzt werden.

Wachtmeister.

In geschickter/frommer/ehlicher/vertraueter vnd erfarnen Man/sol zu einem Wachtmeister erwölt vnd angenommen werden/wölcher der Kriegshandel geschickt vnd erfarn ist/damitt er nitt allein geschickt sey/außzurichten vnd zuersehen was ime benolhen wird/sonder auch auß eigener erfarnuß vnd geschickligkeyt/was seinem Ampt vnd Beuelch zu steht/wiß zum besten vnd nüzlichsten anstellen/auch den Obersten/der vil leicht mitt viellerley geschäften beladen/nicht alle ding außsinnen kan/weiß die nottuerfft seinem Ampt zustendig erfordert/wisse zuerinnern vnd gutte Nachschleg zugeben.

Desgleichen soll er sich befleissen den sachen so sein Ampt betreffen/nach zugedencken/alle ort vnd end mit fleiß besichtigen/es trag sich in Besatzung oder im feldt zu/damitt so man von Besatzung der Wacht rathschlagt/er gutten Rath vnd vnderricht wiß zugeben/wie/vnd wa die heimlich verborgen/Item die Schiltwacht/Item die Scharwacht/vñ an dem ort mitt souil/an jenem mitt souil personen/Rotten odder Sändlin besetzt/vnd verwart werden sollen/alles mitt erwegung vnd meldung gutter redlicher beweglichen vrsachen/nach dem die Besatzung oder das Lager an jedem ort/mit gelegenheyt darzu geschickt ist.

Wie